



ეკონომიკისა და მდგრადი განვითარების სამინისტრო

შპმ პირთა უფლებების დაცვის ხელშეწყობა და სისტემური გარანტიების შექმნა სამოქმედო გეგმა

2022 წელს განხორციელებული აქტივობები

2022 წელს, პროექტ „ლოგ-ინ ჯორჯიას“ ფარგლებში, მომზადდა კანონპროექტი უნივერსალური მომსახურების თაობაზე ევროპის ელექტრონული კომუნიკაციების კოდექსის (2018/1972 დირექტივის) შესაბამის საკანონმდებლო ცვლილებებზე, რომელიც ასევე, მოიცავს **შპმ პირების ელექტრონული კომუნიკაციების მომსახურებებზე წვდომის უზრუნველყოფის მიმართულებას**.

ამასთან, 2022 წელს, განახლდა (ადაპტირება მოხდა მხედველობა-დაქვეითებულებისთვის) ტურიზმის ეროვნული ადმინისტრაციის ვებგვერდი - <https://georgia.travel/>, მომზადდა **offline დემო ვერსია, სადაც ინტეგრირებულია შპმ პირთათვის ფუნქციონალი**. საიტი ლაივ რეჟიმში გაეშვება 2023 მარტის დასაწყისში. ასევე, აღსანიშნავია, რომ „ტურიზმის ეროვნულმა ადმინისტრაციამ“ განაახლა "საქართველოს ტურიზმის სტრატეგია 2025", რომელშიც ერთ-ერთი სტრატეგიული მიზნის რეკომენდაციები ეხება ტურისტული პროდუქტისა და მომსახურების განვითარების პროცესში შპმ პირთა საჭიროებების გათვალისწინებას.

2022 წელს, სსიპ „სამოქალაქო ავიაციის სააგენტომ“ საქართველოს აეროპორტებში ჩაატარა **შპმ პირთა უფლებების დაცვის მონიტორინგი - ექვსივე აეროპორტის ინსპექტირება**. მონიტორინგის ფარგლებში, მოწმდება აეროპორტების სამგზავრო ტერმინალის აღჭურვილობა, შპმ პირების მიღების ადგილების მონიშვნა, შპმ პირების სავარძლების, სპეც. ავტოტრანსპორტის მდგომარეობა, პერსონალის მომზადება შპმ პირების მომსახურებისათვის და სამგზავრო ტერმინალის ადაპტირება შპმ პირებზე. აღნიშნული აეროპორტები აკმაყოფილებენ არსებულ სტანდარტებს.

ასევე, 2022 წელს, სს „საქართველოს რკინიგზის“ მიერ გაიხსნა **რეაბილიტირებული სადგური კოპიტნარი, რომელიც ადაპტირებულია შპმ პირების საჭიროებებზე**.

ცნობიერების ამაღლებისა და შპმ პირთა მომსახურების გაუმჯობესების მიზნით, განხორციელდა **ტრენინგები** შემდეგი მიმართულებებით:

- 2022 წლის სექტემბრის თვეში სსიპ „ტურიზმის ეროვნულმა ადმინისტრაციამ“ ტურიზმის ინდუსტრიაში დასაქმებულთათვის და დასაქმების მსურველთათვის ჩაატარა ტრენინგი **„მეზღუდული შესაძლებლობის მქონე პირებისათვის ტურისტული სერვისები - მომსახურება და უსაფრთხოება“**, სადაც ჯამში გადამზადდა 420-მდე ადამიანი.
- 2022 წელს, სსიპ „სახელმწიფო ქონების ეროვნული სააგენტოს“ მიერ, შპმ პირების მომსახურების გაუმჯობესების მიზნით განხორციელდა **საჭიროების კვლევა**, რომლის შედეგადაც, იგეგმება სააგენტოს თანამშრომელთათვის ტრენინგის ჩატარება 2023 წლის II კვარტალში.

- 2022 წელს, შპს „საქართველოს აეროპორტების გაერთიანების“ მიერ, ქუთაისის საერთაშორისო აეროპორტში, მესტიისა და ამბროლაურის ადგილობრივ აეროპორტებში **შპმ პირთა მომსახურების ტრენინგით გადამზადებულია სამივე აეროპორტის ყველა შესაბამისი კადრი (47 თანამშრომელი).**
- 2022 წელს, სსიპ „საზღვაო ტრანსპორტის სააგენტომ“ განახორციელა საქართველოს დროშის ქვეშ რეგისტრირებულ შიდა ნაოსნობის სამგზავრო/სასეირნო გემებზე **შპმ პირებისთვის ადაპტირების და საგანგებო სიტუაციებში დახმარების ტრენინგ პროგრამა** - "სამგზავრო/სასეირნო გემებზე შპმ პირთა მომსახურების მიმწოდებელი პერსონალის ტრენინგი / Training for Personnel Providing Service to Persons of Reduced Mobility on Domestic Passenger/Leisure Ships". ტრენინგს ესწრებოდა სასეირნო დანიშნულების სამგზავრო გემებზე დასაქმებული ეკიპაჟის ყველა წარმომადგენელი -15 ადამიანი.

დამატებით, ასევე, აღსანიშნავია, რომ 2022 წლის 17-18 დეკემბერს, საქართველოს ინოვაციების და ტექნოლოგიების სააგენტოს, ფაბლაბ ტექნოპარკის, ევროკავშირისა და გაეროს განვითარების პროგრამის, ინოვაციური განათლების ფონდისა და “Smart Digita“-ის ორგანიზებით, კასპის ტექნოპარკში, ჩატარდა **ჰაკათონი - ტექნოლოგიები შესაძლებლობებისთვის, რომელიც მიზნად ისახავდა შპმ პირებისთვის თანამედროვე ტექნოლოგიებისა და ინოვაციური ელემენტების დანერგვას.**

პროექტის ფარგლებში, მონაწილეები გაეცნენ იმ გამოწვევებს, რომელსაც შპმ პირები ყოველდღიურ ცხოვრებაში აწყდებიან და შესაძლებლობა ჰქონდათ კასპის ტექნოპარკში ორი დღის განმავლობაში ემუშავათ პრობლემ(ებ)ის გადაჭრის გზებზე.

პროექტის ფარგლებში ჩატარდა ტრენინგები შემდეგი მიმართულებით:

- ✓ შპმ პირთა უფლებები და გამოწვევები;
- ✓ ტექნოლოგიური შესაძლებლობები;
- ✓ პროდუქტის ბაზართან თავსებადობა, პოზიციონირება და კონკურენტული უპირატესობის მოპოვება;
- ✓ ბიზნეს მოდელი (Canva).

პროექტის დასასრულს, 15 გუნდმა წარადგინა იდეები და პროტოტიპები, რომლის თემატიკა იყო შპმ პირებისთვის ინოვაციური და ტექნოლოგიური გზით, ყოველდღიური გამოწვევების აღმოფხვრა. გამარჯვებული გუნდი " M F T " - 5000 ლარიანი გრანტის მფლობელი გახდა, რომლებმაც შექმნეს შპმ პირებისთვის, კერძოდ პარალიზებული ადამიანებისთვის ენით სამართავი მაუსი.